

Dagný Hauksdóttir

From: Halldór Ó. Zoëga - SGS <halldor.zoega@samgongustofa.is>
Sent: miðvikudagur, 2. nóvember 2022 10:39
To: Dagný Hauksdóttir
Cc: Sigrún Henrietta Kristjánsdóttir - SGS; Greipur Sigurðsson
Subject: RE: Umsögn óskast - Fiskeldi á landi- Tillaga að breyttu Aðalskipulag Vestmannaeyja, deiliskipulagi Viðlagafjöru og umhverfismat áætlana

Góðan daginn.

Bæjarráð Vestmannaeyja óskaði umsagnar Samgöngustofu um tillögu að breyttu aðalskipulagi Vestmannaeyja, deiliskipulagi Viðlagafjöru og umhverfismati áætlana.

Samgöngustofa hefur vakið athygli Skipulagsstofnunar á að fyrirhuguð eldisstöð er rétt við Urðavita og er líklegt að fyrirhuguð mannvirki geti haft neikvæð áhrif á siglingaöryggi.

Í fjórðu grein laga nr. 132/1999 um vitamál segir: “Óheimilt er að byggja hús eða mannvirki sem skyggt gætu á leiðarmerki frá sjónum á þeim boga sjóndeildarhringsins þar sem því er ætlað að þjóna sjófarendum, og hæfilega langt til beggja handa. Getur Vegagerðin látið rífa húsið eða mannvirkið á kostnað eiganda þess ef brotið er á móti þessu.

Óheimilt er að setja upp ljós eða önnur merki sem kynnu að villa um fyrir sjófarendum.”

Vakin var athygli á að framkvæmdaaðili skuli m.a. gæta þess að fara að ákvæðum vitalaga og mikilvægt er að leita álits Vegagerðarinnar um fyrirhugaða framkvæmd og hefur framkvæmdaðili verið í samtali við Samgöngustofu um málið.

Með kveðju / Best regards,

Halldór Ó. Zoëga - SGS

Deildarstjóri siglinga- og hafnaeftirlits / Specialist, Port Installations and Maritime Navigation



Icelandic Transport Authority

Ármúli 2, 108 Reykjavík Iceland

Sími / Phone +354 480 6000

www.samgongustofa.is / www.icetra.is

Verndum umhverfið, prentum sem minnst

[Fyrirvari við tölvupóst - email disclaimer](#)

From: Dagný Hauksdóttir <dagny@vestmannaeyjar.is>

Sent: 28.09.2022 10:45:46

To: Samgöngustofa almennt

Subject: Umsögn óskast - Fiskeldi á landi- Tillaga að breyttu Aðalskipulag Vestmannaeyja, deiliskipulagi Viðlagafjöru og umhverfismat áætlana

Góðan dag,

Bæjarráð Vestmannaeyja samþykkti þann 27. júlí 2022 að auglýsa tillögu að breytingu á Aðalskipulagi Vestmannaeyja 2015-2035 vegna fiskeldis í Viðlagafjöru í samræmi við 31. gr. skipulagslaga nr. 123/2010 og Bæjarstjórn Vestmannaeyja samþykkti 15. september að auglýsa nýtt deiliskipulag fyrir svæðið í samræmi við 41. gr. skipulagslaga nr. 123/. Umhverfismatskýrslu fyrir skipulagsáformin er einnig til auglýsingar með gögnunum.

Viðlagafjara er á svæði austast í Vestmannaeyjum sem myndaðist í Heimaeyjargosinu 1973. Í fjörunni hefur um nokkur skeið verið efnistökusvæði þar sem unninn er sandur úr fjörunni og rauðmöl- og gjall numið. Með fyrirhugaðri aðalskipulagsbreytingu verður stærstur hluti svæðisins skilgreint sem iðnaðarsvæði og fyrirhugað að þar komi fiskeldi. Svæðið er einnig stækkað til suðvesturs þar sem nú er jarðefna pittur.

Deiliskipulags tillagan gerir ráð fyrir tveim lóðum. Fyrirtækið Icelandic Land Farmed Salmon (ILFS) hefur fengið vilyrði frá Bæjarstjórn Vestmannaeyja um nýtingu á lóðunum til fiskeldis. Á annarri lóðinni hefur fyrirtækið þegar hafið hönnunarvinnu og er fyrirkomulag og kvaðir þeirrar lóðar því skilgreindar í tillögu deiliskipulagsins. Í deiliskipulagi er einnig gert ráð fyrir svæði til norðurs þar sem áfram verður hægt að vinna sand úr fjörunni.

Umhverfisskýrsla hefur verið unnin til að meta áhrif þessara áætlana á helstu umhverfisþætti. Umhverfisskýrslan metur þrjá valkosti, 1) Fiskeldi í Viðlagafjöru, 2) 0-kost, og 3) Fiskeldi á athafnarsvæði vestan við Viðlagafjöru AT-2 (sem var tilgreint sem valkostur í Aðalskipulagi).

Fiskeldi í Vestmannaeyjum er talið geta skotið stoð undir þjónustu og vinnslu útgerðar á svæðinu. Breyting styður við meginmarkmið Aðalskipulags Vestmannaeyja um öflugt atvinnusvæði þar sem sjávarútvegurinn er meginstoðin og að aðstaða þessara greina verði eins og best getur orðið. Breytingin er einnig í samræmi við markmið aðalskipulagsins um svæði fyrir fiskeldi á landi, en núverandi staðsetning þykir fýsilegri kostur en þeir sem tilgreindir voru.

Tillaga að aðalskipulagsbreytingu, tillaga að nýju deiliskipulagi og umhverfismatskýrsla áætlana eru aðgengileg á eftirfarandi vefslóð:

https://drive.google.com/drive/folders/1D26t37zY_xMFHLz1M1264uYpmt-J5Ouo?usp=sharing

Gögnin má einnig finna á skipulagsvefsjá Vestmannaeyjabæjar

<https://www.vestmannaeyjar.is/mannlif/frettir/skipulagstillogur-vegna-fiskeldis-i-vidlagafjoru>.

Fyrir hönd Vestmannaeyjabæjar vil ég óska umsagnar Samgöngustofu fyrir 1. nóvember 2022.

Kær kveðja,

Dagný Hauksdóttir

Skipulags- og umhverfisfulltrúi

Vestmannaeyjabær

S 488 2530

Netfang: dagny@vestmannaeyjar.is

www.vestmannaeyjar.is

Vinsamlegast athugið að þessi tölvupóstur og viðhengi hans eru eingöngu ætluð þeim sem tölvupósturinn er stílaður á og gætu innihaldið upplýsingar sem eru trúnaðarmál. Hafið þér fyrir tilviljun, mistök eða án sérstakrar heimildar tekið við tölvupósti þessum og viðhengjum hans biðjum við yður að fara eftir 2. mgr. 44. gr. laga um fjarskipti nr. 107/1999 (<http://www.althingi.is/altext/stjt/1999.107.html>) og gæta fyllsta trúnaðar og tilkynna okkur að þau hafi ranglega borist yður. This message (including any attachments) contains confidential information intended for a specific individual and purpose, and is protected by law. If you are not the intended recipient, you should delete this message and are hereby notified that any disclosure, copying, or distribution of this message, or the taking of any action based on it, is strictly prohibited.

